

UNIT 12: TUAH DI BUMI PERMATA

Isi tempat kosong dengan peribahasa yang betul.

Kita selalu mendengar peribahasa yang menyatakan bahawa

(1)_____. Peribahasa tersebut seolah-olah memberikan perakuan bahawa rezeki melalui bidang bercucuk tanam merupakan sesuatu yang sudah pasti terjamin rezekinya. Pernyataan itu pula disokong dengan kedudukan Malaysia yang terletak dalam zon iklim khatulistiwa yang merupakan tapak strategik untuk membangunkan sektor pertanian. Banyak makanan yang telah dihasilkan di negara kita melalui sektor pertanian. Oleh itu, semua pihak yang terbabit perlu menggembeng tenaga (2) _____ untuk memajukan sektor pertanian di tanah air. Persoalannya, bagaimanakah kita dapat meningkatkan sektor pertanian?

Sektor pertanian dapat ditingkatkan melalui kerjasama dengan pihak Lembaga Pemasaran Pertanian Persekutuan (FAMA). Pihak FAMA perlulah mengatur strategi yang bersepadu dan (3)_____ yang terbaik supaya produk pertanian di negara ini sentiasa terjamin. Sistem pemasaran yang teratur akan dapat meningkatkan jumlah produk pertanian dari semasa ke semasa.

Selain itu, pihak FAMA telah mewujudkan laman web tentang harga borong produk pertanian supaya kaum petani tidak mudah ditipu oleh pemborong yang tidak bertanggungjawab. Oleh itu, sektor pertanian dapat ditingkatkan dengan kerjasama daripada pelbagai agensi kerajaan dalam membantu para petani memasarkan produk pertanian mereka.

Akhir sekali, penubuhan koperasi peladang amat digalakkan untuk memainkan peranan sebagai pemborong dan pembekal kepada kaum petani. Petani digalakkan untuk menjalankan perniagaan di pasar tani yang berhampiran untuk meningkatkan pendapatan mereka juga. Dengan berbuat demikian, pengguna dapat membeli hasil tanaman dan ternakan yang segar dengan harga yang berpatutan juga. Tindakan (4)_____ ini dapat memberikan manfaat kepada pihak petani dan pengguna.

Kesimpulannya di sini, (5) _____ pelbagai usaha dapat dilakukan oleh semua pihak untuk memajukan sektor pertanian di negara kita. Perkara ini secara tidak langsung dapat membantu untuk menjanakan ekonomi negara. Tanpa usaha dan kerjasama yang baik, daripada semua pihak, kita tidak akan dapat memajukan sektor pertanian ini bak kata pepatah (6)_____

